

Fastelovend sin mer widder do

Text & Musik: Reiner Hömig, Wolfgang Martin Breuer, Bläck Föös Homepage:
www.blaeckfoeoess.de

Fastelovend sin mer widder do
Und dat bliev de nächste 100 Jahr su
Ejal wo mir sin
Heim an d'r Rhing
Fastelovend sin mer widder do

Wenn de Musik spillt
Die uns jefällt
Dann hält uns janix mieh
Janz ejal wo mer sin
Heim an d'r Rhing
Fastelovend sin mer widder do

Mir han jegläuv woanders op de Welt
Do fällt et Jlöck esu vum Himmelszelt
Die eschte Zick die wor dann och janz schön
Et fählten nur echte kölsche Tön
Dat Jeföhl mäht dich kapott
Denn et Heimweh jeiht nit fott
Jenau in dem Moment do wed dir kloor

Fastelovend sin mer widder do ...

Irjendwann jewönnt mer sich do dran
Dat mer he en andre Aussicht han
Et schmeck nit su wie fröher bei d'r Mamm
Frikadelle un Ääpel us d'r Pann
Un wenn am Owend he dr Mond am Himmel steiht
Dann weiß mer dat hä och en Kölle leuchten deit
Jenau en dem Moment do wed dir kloor
Nä wie jähn wör ich jetz och doheim
Und ich dräume mich zoröck noh Kölle
Heim an d'r Rhing, ming Fründe widder sin
Fastelovend bin ich widder do

Fastelovend sin mer widder do ...